

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA**

**Odbor za ekonomsku i razvojnu politiku,
finansije i budžet**

Broj: 02/11-02-2405/19-2

Sarajevo, 18.12.2019. godine

**DOMU NARODA
PARLAMENTA FEDERACIJE BIH**

Na 7. sjednici Privremenog Odbora za ekonomsku i razvojnu politiku, finansije i budžet Doma naroda Parlamenta Federacije BiH održanoj 18. decembra 2019. godine razmatrane su sljedeće tačke dnevnog reda:

1. Prijedlog Budžeta Federacije Bosne i Hercegovine za 2020. godinu - hitni postupak,
2. Prijedlog zakona o izvršavanju Budžeta Federacije Bosne i Hercegovine za 2020. godinu - hitni postupak,
3. Prijedlog zakona o izmjenama i dopunama Zakona o budžetima u Federaciji Bosne i Hercegovine - hitni postupak,
4. Prijedlog zakona o izmjenama i dopunama Zakona o trezoru u Federaciji Bosne i Hercegovine - hitni postupak,
5. Prijedlog zakona o izmjenama Zakona o doprinosima - hitni postupak,
6. Prijedlog zakona o izmjenama Zakona o visini stope zatezne kamate na javne prihode - hitni postupak,
7. Prijedlog odluke o davanju saglasnosti na Finansijski plan Federalnog zavoda za zapošljavanje za 2020. godinu i procjenu plana za 2021. i 2022. godinu i Odluku o izvršavanju Finansijskog plana Federalnog zavoda za zapošljavanje za 2020. godinu,
8. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2020. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2020. godinu,
9. Prijedlog odluke o davanju saglasnosti na izmjene i dopune Finansijskog plana Federalnog zavoda za penzijsko i invalidsko osiguranje za 2019. godinu,
10. Prijedlog Finansijskog plana – Budžeta FERK – a za 2019. godinu,
11. Prijedlog Finansijskog plana – Budžeta FERK – a za 2020. godinu,
12. Nacrt zakona o izmjenama i dopunama Zakona o registraciji poslovnih subjekata u Federaciji Bosne i Hercegovine,
13. Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom (predlagač: Aljoša Čampara, delegat u Domu naroda Parlamenta Federacije BiH),
14. Prijedlog odluke o prihvatanju zaduženja po Sporazumu o zajmu između Međunarodne banke za obnovu i razvoj (IBRD) i Bosne i Hercegovine za realizaciju Projekta „Energetske efikasnosti – dodatno finansiranje“,
15. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta „Javni prevoz Sarajevo“,
16. Prijedlog Odluke o prihvatanju zaduženja po Sporazumu o zajmu i projektu između Kreditanstalt für Wiederaufbau Frankfurt na Majni i Bosne i Hercegovine i Federacije Bosne i Hercegovine i JP Elektroprivrede Hrvatske Zajednice Herceg-Bosne d.d. Mostar

za realizaciju projekta rehabilitacija i modernizacija crpno-akumulacijske hidroelektrane Čapljina,

17. Prijedlog odluke o izmjeni Odluke o prihvaćanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta poboljšanje energetske efikasnosti u JU Kantonalnoj bolnici Zenica,
18. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Živinice regionalna deponija za kruti otpad.

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", broj 27/03) Privremeni Odbor za ekonomsku i razvojnu politiku, finansije i budžet podnosi Domu naroda sljedeći:

I Z V J E Š T A J

1. Prijedlog Budžeta Federacije Bosne i Hercegovine za 2020. godinu - hitni postupak

Predstavnik predlagača detaljno je obrazložio Prijedlog Budžeta Federacije Bosne i Hercegovine za 2020. godinu te pojasnio razloge hitnog postupka. Članovi Odbora predlažu Domu naroda da razmotri i usvoji Prijedlog Budžeta Federacije Bosne i Hercegovine za 2020. godinu, po hitnom postupku, uz Amandmane Predstavničkog doma Parlamenta Federacije BiH koje je Vlada Federacije BiH prihvatila te su postali sastavni dio Prijedloga Budžeta Federacije BiH za 2020. godinu, uz sljedeći:

Z A K L J U Č A K

Dom naroda Parlamenta Federacije Bosne i Hercegovine obavezuje Vladu Federacije Bosne i Hercegovine da, pri raspodjeli sredstava sa stavke "Tekući transferi drugim nivoima vlasti i fondovima", kriterij i prioritet prilikom implementacije sredstava imaju nerazvijene i izuzetno nerazvijene općine.

2. Prijedlog zakona o izvršavanju Budžeta Federacije Bosne i Hercegovine za 2020. godinu - hitni postupak

Članovi Odbora predlažu Domu naroda da razmotri i usvoji Prijedlog zakona o izvršavanju Budžeta Federacije Bosne i Hercegovine za 2020. godinu po hitnom postupku.

3. Prijedlog zakona o izmjenama i dopunama Zakona o budžetima u Federaciji Bosne i Hercegovine - hitni postupak

Predstavnik predlagača je pojasnio razloge i ciljeve izmjene navedenog zakonskog rješenja. Članovi Odbora predlažu Domu naroda da razmotri i usvoji Prijedlog zakona o izmjenama i dopunama Zakona o budžetima u Federaciji Bosne i Hercegovine po hitnom postupku.

4. Prijedlog zakona o izmjenama i dopunama Zakona o trezoru u Federaciji Bosne i Hercegovine - hitni postupak

Članovi Odbora upoznati su da su razlozi za donošenje izmjena i dopuna Zakona sadržani prije svega u provedbi člana 130. Zakona o penzijskom i invalidskom osiguranju ("Službene novine Federacije BiH, broj 13/18) a u cilju da se finansijsko poslovanje Federalnog zavoda za penzijsko i invalidsko osiguranje nastavi putem Jedinственog računa

Trezora Federacije BiH te da isti dobije status budžetskog korisnika. Također, izmjenama i dopuna ovog Prijedloga harmoniziraju se odredbe istog sa Zakonom o budžetima u Federaciji BiH. Imajući u vidu navedene razloge, članovi Odbora predlažu Domu naroda da razmotri i usvoji Prijedlog zakona o izmjenama i dopunama Zakona o trezoru u Federaciji Bosne i Hercegovine po hitnom postupku.

5. Prijedlog zakona o izmjenama Zakona o doprinosima - hitni postupak

Cilj izmjena ovog Zakona jeste usklađivanje sa odredbama čl. 130. i 150. Zakona o penzijskom i invalidskom osiguranju ("Službene novine Federacije BiH. Broj 13/18) kojima se propisuje prelazak Federalnog zavoda za penzijsko i invalidsko osiguranje na trezorski način poslovanja, a prihodi od uplata doprinosa za penzijsko i invalidsko osiguranje od 1.1.2020. godine će biti sastavni dio Budžeta Federacije BiH i uplate doprinosa za penzijsko i invalidsko osiguranje će se vršiti na Jedinstveni račun Trezora Federacije BiH. Imajući u vidu ciljeve izmjena Prijedloga zakona, članovi Odbora predlažu Domu naroda da razmotri i usvoji Prijedlog zakona o izmjenama Zakona o doprinosima po hitnom postupku.

6. Prijedlog zakona o izmjenama Zakona o visini stope zatezne kamate na javne prihode - hitni postupak

Članovi Odbora predlažu Domu naroda da razmotri i usvoji Prijedlog zakona o izmjenama Zakona o visini stope zatezne kamate na javne prihode u tekstu kako je predložila Vlada Federacije Bosne i Hercegovine, po hitnom postupku.

7. Prijedlog odluke o davanju saglasnosti na Finansijski plan Federalnog zavoda za zapošljavanje za 2020. godinu i procjenu plana za 2021. i 2022. godinu i Odluku o izvršavanju Finansijskog plana Federalnog zavoda za zapošljavanje za 2020. godinu

Članovi Odbora predlažu Domu naroda da razmotri i donese Odluku o davanju saglasnosti na navedene dokumente.

8. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2020. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2020. godinu

Članovi Odbora predlažu Domu naroda da razmotri i donese Odluku o davanju saglasnosti na navedene dokumente.

9. Prijedlog odluke o davanju saglasnosti na izmjene i dopune Finansijskog plana Federalnog zavoda za penzijsko i invalidsko osiguranje za 2019. godinu

Članovi Odbora predlažu Domu naroda da razmotri i donese Odluku o davanju saglasnosti na navedeni Prijedlog odluke o davanju saglasnosti na izmjene i dopune Finansijskog plana Federalnog zavoda za penzijsko i invalidsko osiguranje za 2019. godinu.

10. Prijedlog Finansijskog plana – Budžeta FERK – a za 2019. godinu

11. Prijedlog Finansijskog plana – Budžeta FERK – a za 2020. godinu

Članovi Odbora obavili su zajedničku raspravu o navedenim tačkama, glasanje su obavili pojedinačno. Privremeni Odbor predlaže Domu naroda da razmotri i usvoji Prijedlog Finansijskog plana – Budžeta FERK – a za 2019. i Prijedlog Finansijskog plana – Budžeta FERK – a za 2020. godinu.

12. Nacrt zakona o izmjenama i dopunama Zakona o registraciji poslovnih subjekata u Federaciji Bosne i Hercegovine

Predstavnica predlagača obrazložila je predloženo zakonsko rješenje koje prvenstveno ima za cilj poboljšanje poslovnog okruženja i elektronsku registraciju poslovnih subjekata. Članovi Odbora jednoglasno predlažu Domu naroda da razmotri i prihvati Nacrt zakona o izmjenama i dopunama Zakona o registraciji poslovnih subjekata u Federaciji Bosne i Hercegovine, imajući u vidu sugestije i primjedbe koje budu iznesene u raspravi na sjednici Doma.

13. Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom (predlagač: Aljoša Čampara, delegat u Domu naroda Parlamenta FBiH)

Članovi Odbora predlažu Domu naroda da razmotri i prihvati Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom uz sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice s djecom i smatra da može poslužiti kao osnova za izradu Prijedloga zakona.
2. Zadužuje se predlagač da zajedno s nadležnim Ministarstvom organizira i provede javnu raspravu u trajanju od 60 dana u skladu sa procedurama predviđenim u Ustavu Federacije za donošenje zakona iz zajedničke nadležnosti federalne vlasti i kantona.
3. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice s djecom dostavi kantonalnim skupštinama radi davanja mišljenja u roku od 60 dana.
4. Zadužuje se predlagač da, prilikom izrade Prijedloga zakona, ima u vidu primjedbe, prijedloge i sugestije iznesene na sjednici Doma naroda i one iznesene u javnoj raspravi.

14. Prijedlog odluke o prihvatanju zaduženja po Sporazumu o zajmu između Međunarodne banke za obnovu i razvoj (IBRD) i Bosne i Hercegovine za realizaciju Projekta „Energetske efikasnosti – dodatno finansiranje“

Članovi Odbora predlažu Domu naroda da razmotri i donese Odluku o prihvatanju Prijedloga odluke o prihvatanju zaduženja po Sporazumu o zajmu između Međunarodne

banke za obnovu i razvoj (IBRD) i Bosne i Hercegovine za realizaciju Projekta „Energetske efikasnosti – dodatno finansiranje“.

15. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta „Javni prevoz Sarajevo“

Članovi Odbora predlažu Domu naroda da razmotri i donese Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta „Javni prevoz Sarajevo“.

16. Prijedlog Odluke o prihvatanju zaduženja po Sporazumu o zajmu i projektu između Kreditanstalt für Wiederaufbau Frankfurt na Majni i Bosne i Hercegovine i Federacije Bosne i Hercegovine i JP Elektroprivrede Hrvatske Zajednice Herceg-Bosne d.d. Mostar za realizaciju projekta rehabilitacija i modernizacija crpno-akumulacijske hidroelektrane Čapljina

Članovi Odbora predlažu Domu naroda da razmotri i donese Odluku o prihvatanju zaduženja po Sporazumu o zajmu i projektu između Kreditanstalt für Wiederaufbau Frankfurt na Majni i Bosne i Hercegovine i Federacije Bosne i Hercegovine i JP Elektroprivrede Hrvatske Zajednice Herceg-Bosne d.d. Mostar za realizaciju projekta rehabilitacija i modernizacija crpno-akumulacijske hidroelektrane Čapljina.

17. Prijedlog odluke o izmjeni Odluke o prihvaćanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta poboljšanje energetske efikasnosti u JU Kantonalnoj bolnici Zenica

Članovi Odbora predlažu Domu naroda da razmotri i donese Prijedlog odluke o izmjeni Odluke o prihvaćanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta poboljšanje energetske efikasnosti u JU Kantonalnoj bolnici Zenica.

18. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Živinice regionalna deponija za kruti otpad.

Članovi Odbora predlažu Domu naroda da razmotri i donese Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Živinice regionalna deponija za kruti otpad.

Za izvjestioca na sjednici Doma naroda ispred Privremenog Odbora za ekonomsku i razvojnu politiku, finansije i budžet određen je Aljoša Čampara, predsjednik Privremenog Odbora.

Predsjednik
Privremenog Odbora za ekonomsku
i razvojnu politiku, finansije i budžet

Aljoša Čampara, s.r.